

黃帝內經素問靈樞經合類九卷

序

史稱黃帝敦敏聰明修德振兵以
和萬國獲寶鼎迎日推策舉風后
力牧常先大鴻以治民封禪書曰
大鴻鬼史蓋也夫上古聖帝偕諸

聖臣順天地之紀逆幽明之占治
五氣宣五行臨八極度四方
者起夭者壽死者生則所為旁羅
日月星辰水波土石金玉而澤之
大德生氣也顧何以導引行氣躡
摩灸熨刺熅飲藥之術而統曰治

民岐伯曰治民與自治治彼與治
此治大與治小治國與治家未有
逆而能治之者也一維順而已矣
周禮醫師掌醫之政令邦有疾病
則使醫分而治之歲終則稽其醫
事以制食上下我



訓養萬民於京朝醫院外凡諸郡
州邑悉有醫局以劑療疾疾斯亦
周官遺制也代季漫漶經學榛蕪
禁方鮮遵而吉凶同患之德意弗
克下逮夫曷知古聖鴻術為萬民
式論裁志意必有法則引經字數

按循醫事則孰有如素問靈樞之
貫微達幽通闢三才者乎註素問
不一家達多紕漏艱晦若夫類合
詮釋簡捷明了暢扶經旨不蕪不
蔓使人人易曉又使人人知有源
本歸宿則江州王曰達是編而已



北京中医药大学图书馆版权所有

精寃斯義可以相天之度運地之
紀達人之幽揆度奇恒得一以貞
壽國壽民箴逾斯矣今

神靈徇齊勞勤心力耳目節用水
火財物拯世和民不遜有熊氏下
臣不佞媿非大鴻諸人剛習垣方

請以是編藏諸靈蘭之室而布告


寓內

進士出身榮祿大夫文淵閣大學士太子太保禮部尚書前南京吏部右侍郎協理詹事府事禮部右侍郎兼翰林院侍讀學士

延日講知

語

朝實錄摠裁雲間錢龍錫序



南京中医药大学图书馆版权所有

序

千古有絕學而無絕問當鴻苞未
闢典墳未啓之先從何處論學故
庖犧問天而八卦列炎帝問地而
百草辨軒轅問人而五藏六府十
四經之脉絡明上古至神極聖皆



北京中医药大学图书馆版权所有

以問爲學而後世章句小儒但以
學爲問拘牽窒塞宜無以與於精
微之域矣中庸道問學三字爲宋
人聚訟之端然卒不明其所以先
問於學者何故吾思朱陸同異之
旨而不得讀靈樞素問而得之辟

若建章之宮千門萬戶瑤階玉砌
俱探之歲筵一鑰中又如大海吐
吞鰲宮貝闕光恠萬狀然可以乘
桴駕筏而逝焉此岐伯所以每承
巾問未對而必先之以讚嘆也吾
友江州王曰達氏深通內學見世



醫蒙眩不知本源遂取二書精加
詁釋又原班氏舊志分篇從類刊
繆繩訛以最顯最易之言破極艱
極澀之障使讀者開卷如鏡沿尋
得途有功絕學精矣偉矣余每諷
仲景之言爲當食三喟謂居世之

士曾不留神醫藥精究方術上以
療君親之疾下以救貧賤之厄中
以保身長生而但競逐榮利企踵
權豪飾其末而棄其本華其表而
悴其內進不能愛人知物退不能
愛身知己卒遇非常身居死地齎

百年之壽命將至貴之重器委付庸工豈不危哉夫欲究醫藥方術之蘊孰有過於斯編者明此之謂得本可以遺末寶內可以賤外又何必詢張苗之藥對按肘和之脉法察玄晏之三部熟通明之百一



而後為聖醫為通儒哉曰達眉宇
軒軒霞舉胸中曾無宿物而能絕
深汲綆斬崖伐山以十年之功照
千載之暗信口信手觸處逢源吾
顛世之賢士大夫留心問學者人
寘一編於座右可終身無仲景之



館藏
版權所有

憾矣

賜進士及第儒林郎前翰林院修撰行人司行人吳興韓敬謹序



序

余近愈尊經尊農更尊軒

岐素問靈樞因尊豫章王

曰達合類九卷夫是經是

傳非祖禰六經而兄弟之

